

PSALMI

DAVIDIS QVINQVE

1, 14, 36, 39, & 79.

HEROICO VERSV IN

gratiam sereniss. Reginae Ang

gliae redditi, cum subiectio

de officio Principis

carminc.

PER

NICOLAUM MAMERAM

num Lucemburgensem Poetam

Laureatum,

LONDINI

Thomas Martheus excudebat,

Anno, 1557.

SERENISS. ATQVE ILLVSTRISS.

Principi ac Dominæ, Dn. Mariæ, diuina fauente clementia, Angliæ, Franciæ Hispaniarum, vtriusq; Siciliæ, Hiiberniæ &c. Reginæ;

Mameranus se commendat.

**Q**Væ regis Angliæ sceptræ ac moderamina terre  
Inclÿta magnorum de stirpe ac sanguine regum  
Stemmata clara trahens, vultu Regina sereno,  
Suscipe Davidis, sancti pia dona Prophetæ,  
Heroo hos quinos deductos carmine Psalmos:  
Protinus Angliaci quos primum limina regni  
Cum Rege ingressus, sacræ reuerenter & altæ  
Ipse tuæ Maiestati deuotus alumnus,  
Cæsareus vates Mameranus pronior offert,  
Et rogat in placidum simul vt se sacra fauorem  
Regia suscipiat Maiestas inter alumnos,  
Quos fouet ex dulci semper pietate benigne,

Cum caneret quondam pia vita monastica laudes  
Nocte, dieq; deo; cantus, psalmosq; sonaret  
Omnibus in templis & plurima contio verbi  
Diuini fieret, cultusq; & sacra frequenter  
Missarum, populum quæ ad sancta & honesta vocabant  
Et piatum sanctæ florebat plurima vitæ  
Exempla, & pietatis opus feruebat vbiq;  
Ac sincera fides per sanctos vndiq; fratres  
Concionata, pijs ingentes pectore flammæ  
Immisit, vitæ fuerat quæ causa beata  
Multis, de mundo, deq; impietate reductis:

A.ij.



Ad cultumq; metumq; dei, vitamq; modestam  
Et sanctam atq; piam, metuentem Numinis iram,  
Æterni, vt semper dominum reuerenter haberet,  
Per sanctos fratres, pia per documenta vocatis,  
Quæ postq; fato atq; die cessauit iniquo,  
Desijt & vitæ mox consuetudo beatæ  
Illa prior, cultusq; dei refrixit & ipse  
Mutuus officijs amor ac dilectio, fratrum  
Quæ pia vita prior, quæ conuersatio fratrum  
Religiosa, viget totum quæ salua per orbem  
Omnibus in terris, non tantum vbi dogmata Christi  
Atq; fides, nomenq; viget, sanctæq; Potestas  
Ecclesiæ: sed vbi quoq; vel gens Ethnica viuitt;  
Cum pietate Dei fuerint reparata, priori &  
Rursum aptata loco, Domino præstante fauorem,  
Illa statum in veterem rursum, tunc cuncta redibunt:  
Ferebitq; fides, pietas, dilectio fratrum  
Mutua, caelestem spirabunt pectora vitam  
Feruida & ignitas mittent super æthera mentes  
Et rursum sacros cantabunt vndiq; psalmos  
Deuoti in templis fratres, verbumq; loquentur  
Ad populum domini, sanctæq; pieq; docebunt  
Viueret, vt æternæ veniant ad gaudia vitæ,  
Plebs iterum veniet tunc sacri ad limina templi  
Quotidie reuocata magis, pietatis amore,  
Quæ situra dei regnum pia, iustitiamq;  
Ante opus omne deum, quo primo mane precetur  
In templo Domini, diuinæ ad munia Missæ.  
Quod restaurandum, primo, piscoq; nitore  
Rite reponendum, Maiestas illa tremenda

Numinis æterni, nutu, quæ cuncta gubernat  
Illa referuauit tibi miro hoc ordine regnum,  
Et tibi virtutem contra hostes atq; rebelles  
Prestitit: a cuius percussa tremisceret omnis  
Prua cohors facie, pauitansq; horrore iaceret  
Substrata ante pedes, culpam confessa malignam,  
Inq; fide veterum dedit illa calefcere patrum  
Te totam sancta, firma vt Marpesia cautes  
Atq; immota animo fortissima fæmina stares,  
Plus pietate, viris præstares fæmina, vera,  
Et saperes, prisicumq; decus, custode seuro,  
Ecclesiæ Domini seruares corde repostum.  
Te saluam in sancta seruauit simplicitate,  
Vt tua caelesti fulta ac stabilita fauore,  
Deducta segete hac praua atq; errore reciso  
Impio & insano, progressu temporis omni,  
Duceret in prisicum prudentia rara nitorem,  
Quod mox vt fiat, Numen caeleste precamur,  
Atq; in te Domini benedictio sancta recumbat,  
Vt regno sobolem parias ex Rege beatam,  
Atq; super totum redeat benedictio regnum,  
Illa prior, viguit prisico quæ tempore patrum  
Æterni Patris, Natiq; & Pneumatis almi,  
Quod mecum cuncti dicant ex cordibus, Amen,

DE RATIONE VERSIONIS  
Ad Lectorem.

**Q**VI legis hæc Lector, si verbis reddita verba,  
Fers male, des veniam, postulat artis opus,  
Non etenim libuit nisi tali reddere pacto  
Diuini vatis carmina sacra Dauid,  
Non extra metas, extra nec septa vagari:  
Nec libuit vania huc cogere sensa simul,  
Et non captato libuit sermone venusto  
Ponere proposito verba diserta meo,  
Sed vetus & simplex tulit vt translatio verba,  
Deduxi in versum sic repetita meum,  
Atq; adeo hic artis volui contemnere quædam  
Præcepta, vt longa est, prima locata secus.

BEATVS VIR:  
Psalm, 1,

**V**IVET in æternum post fata vir ille beatus,  
Qui non a domini lege ac bonitate recedens,  
Consilia accessit leuis ac temerarius ipsa  
Impia iniquorum; nec inhærens calle malorum  
Perstitit, ac cathedræ nec sedit pestis iniquæ,  
Ast in lege dei, sua toto corde voluntas  
Fixa fuit semper: Dominicq; in lege perennis  
Feret & hanc solam meditatur nocte, dieq;  
Hic erit vt lignum decursus secus aquarum  
Plantatum, veniente suo quod tempore fructum  
Præstabit: folium cuius non defluet vnquam,  
Quæcunq; hic faciet, procedent prospera cuncta,  
Præra cohors hominum non sic, non impia, non sic.  
Sed tanquam puluis, leuiter quem ventus in auras  
Proijcit a facie vastæ per inania terræ:  
Non ideo tales simili ratione resurgent  
Tandem in iudicio: necq; pars his vlla piorum,  
Sorsue in concilio iustorum erit vlla reposita.  
Namque viam dominus iustorum nouit, & ipsa  
Semita iniquorum sordescens tota peribit.

DOMINE QVIS HABITABIT,  
Psalm, 14,

**Q**VIS Domine æterna tecum regnabit in aula,  
Atque tabernaculis, & sancto monte quiescet;  
Qui ingreditur maculis sine labe ac sordibus vllis

Iusticiamq; facit, qui toto corde perennem:  
 Qui loquitur semper toto de pectore verum:  
 Qui lingua exercet nullam fraudemue, dolumue:  
 Quiq; malum fratri nullum facit atq; propinquo:  
 Opprobria aduersus vicinum nulla leuauit:  
 Eius in aspectu ad nihilum deductus iniquus:  
 Glorificat vero rectos, Dominumq; timentes:  
 Qui iurat fratri pure, nec decipit ipsum:  
 Præstat ad vsuram sua qui numismata nullam:  
 Et super innocuum qui accepit munera nulla:  
 Qui facit hæc semper, non ille mouebitur vnquam,

## NOLI ÆMVLARI

Psalm, 36.

**C** Hære malignantis turbæ noli æmulus esse:  
 Nec rem patrantes zelaueris actor iniquam.  
 Nam tanquam foenum tales velociter omnes  
 Arescent; olus & veluti quod crescit in hortis  
 Herbarum, subito recident, penitusq; peribunt:  
 Tu spera in Domino & constanter fac bonitatem,  
 In q; habita terram, & donis pascaris in eius,  
 Delectare tuo in domino, facilisq; petita  
 Pectoris ille tui dabit & tibi vota secunda:  
 Huicq; viam memora ipse tuam, pectusq; reclude:  
 In q; ipso spera; & faciet quodcumque rogabis,  
 Iustitiam ille tuam, clari quasi lumen olympi  
 Educet; medisque velut sub sole diei,  
 Subditus esto Deo; atq; ipsum reuerenter adora,  
 Ducitur at cuius pro votis prospera vita:

Quique

Quique iniustitias faciet, noli æmulus esse,  
 Desine ab ira omni nocua, atq; relinque furorem:  
 Utque maligneris, nolito esse æmulus vnquam.  
 Namq; malignantur quicumq;, exterminat omnes  
 Ipse deus; semper sed quisquis sustinet ipsum,  
 Hæres erit patriæ, post tristitia funera, terræ,  
 Impius vt fumus subito vanescit in auras,  
 Quæsitumq; locum vasti per climata mundi  
 Illius inuenies nusquam, neque nominis vmbram,  
 Sed mites patriæ hæredes per sæcula terræ  
 Existunt, multa atque perenni pace fruuntur,  
 Partaque in æternum lætantes gaudia ducent,  
 Sæpe ex insidijs iustum obseruabit iniquus,  
 Atque super talem stridebit dente maligno,  
 Sed ridebit eum dominus; quia prospicit omnes  
 Ipsius ille dies celeri cum sine propinquos.  
 Vagina gladium eductum fulgore coruscum  
 Atque arcum intendunt volucris, arataq; sagitta,  
 Pauperem vt atq; inopem, rectos & corde, maligni  
 Trucidant ac deiciant, pedibusq; voluent,  
 Horum sed gladius penetret per pectora eorum,  
 Disrupto neruo, cito confringatur & arcus,  
 Est melius modicum iusto, quam copia cornu  
 Diues iniquorum, quam sunt bona cuncta caduca,  
 Brachia nam peccatorum robusta terentur:  
 Sed iustos dominus semper confirmat & arget:  
 Immaculorumque æterno nouit ab æuo  
 Ipse dies, & erunt domini bonitate perennis,  
 Cœlestisque boni hæredes, ciuesque superni,  
 Tempore difficili nec confundentur & arcto:

B.i.

Et saturabuntur duræ famis vsq; diebus:  
 Sed peccatores, dape deficiente peribunt.  
 Sic hostes domini mox vt quæsitus in altum,  
 Euexit sublimis honor, pompæque superbæ,  
 Deficient veluti v. anescit fumus in auras,  
 Mutra peccator capiet, nec credita soluet,  
 Ast in opum iustus miserebitur atq; rependet:  
 Sic domino grates æterno tempore reddet,  
 Namq; pñ a domino, viuentum munere terram  
 Accipient; prauī merita sed morte peribunt,  
 Dirigit ipse viam deus ad cœlestia iusti,  
 Ac huius gressus semper volet atq; probabit,  
 Qui si forte cadat, vel lubricitate vacillet,  
 Non collidetur, manibus quia sustinet ipsum  
 Suppositis dominus, pereat ne morte perenni,  
 Ipse sui iunior, senior nunc, tempore nullo  
 A domino iustum vidi omni sorte relictum:  
 Illius & semen nec vidi quærere panem,  
 Tota namq; diē miserendo commodat ille,  
 Atq; ideo Domini benedictio sancta recumbet  
 Illius in sobolem, ex dulci, gratoq; favore,  
 Declinando malum, bona fac opereris in omni  
 Tempore, & in vitæ tellure morabere semper,  
 Felicem ducens æterna in secula vitam,  
 Iusta deus nam semper amat, nunquamq; relinquet  
 Ille suos seruos, sed seruabuntur in æuum,  
 Puniet iniustos, simul horum & praua peribit  
 Progenies, nunquam terram visura beatam,  
 Iusti autem in terra cœlesti in secula viuent,  
 Cs iusti sapientiam & omnia recta reponet:

Iudicium verum quoque & eius lingua loquetur,  
 Ipsius & domini lex semper corde manebit,  
 Et nullo vnquam huius titubabunt tempore gressus,  
 Impius obseruat iustum, quæritq; necare:  
 Sed non in manibus Deus hunc in fine relinquet:  
 Nec damnabit eum, cum iudicat impius ipsum,  
 Expecta domini placitum, custosq; viarum  
 Esto eius iugis, te in celsa palacta tollet,  
 Hæres ibi vt fias, & in omnia secula viuas,  
 Cumq; euauerint scelerosi morte, videbis,  
 Vidi ego peruersum fastu super alta leuatum,  
 Vt cedros libani exaltatum in vertice montis:  
 Transiui, & subito nusquam fuit amplius ille:  
 Quæsiuiq; locum, fuit & nusquam ille repertus.  
 Custodi innocuum, simplexq; per omnia pectus,  
 Respice quod rectum est, æquumq; & amabile semper,  
 Pacifico nam reliquæ sunt talia cuique:  
 Iniusti vero simul & cum stirpe peribunt,  
 Iustorum a domino dependet spesq; salusq;  
 Omnis & est horum protector vbicq; fidelis  
 Rebus in aduersis, tristiq; ac tempore duro,  
 Atq; iuuabit eos dominus, redimetq; potenter  
 De scelerosorum manibus, de fraudibus, atq;  
 Insidijs, certam quia sperauere salutem  
 Ex ipso intrepide, qua æterna in secula viuant,

## EXPECTANS EXPECTAUI

Domini, Psalm. 39.

**E**Xpectans expectaui Dominum ipse benignum,  
 Atq; mihi intendens audiuit vota, precesq;  
 B. ij.

Deq; lacu eduxit miserandæ sortis abyssi,  
Ac sordente luto fecis intolerabilis orci,  
Atq; super petram statuit gressusq; pedesq;  
Ille meos & direxit per strata salutis,  
Iusticiæq; viam; noua cantica misit in ora  
Ille mea, atq; deo modulari carmina Iacob,  
Multi hoc cernentes, trepidante tremore timebunt,  
Et spe coniuncta in domini promissa, salutem  
Sperabunt, bonitate eius super omnia freti,  
Ille vir est felix vere, multumq; beatus,  
Solius domini est cuius spes vnica nomen,  
Et non in vanas respexit lumine pompas  
Ac falsas mundi illecebras hominesq; superbos,  
Infanasq; voluptates, fraudesq; malignas,  
Multa deus solus tu miranda atq; stupenda  
Efficis et sensu similis non est tibi quisq;  
Nec qui perpendat, vel talia cogitet extat,  
Elogijs ego nempe tuis, factisq; stupendis,  
Vsq; celebrandis totius tempore vitæ  
Dissentus, multusq; fui, at conamine casso,  
Namq; ea quis numero possit comprehendere certo;  
Excedunt siquidẽ numerum illa per omnia cunctum,  
Nec mea complacuit tibi sacrificatio quicq;  
Oblata, ast aures bonitas mihi præstitit aptas  
Illa tua, ac holocausta nec vlla parata petisti,  
Crimine pro vario. Venio tunc ecce locutus,  
De me nam arcano scriptura volumine Mosis  
Continet, vt facerem tua iussa per omnia semper,  
Atq; voluntatem deus, & sic esse paratus  
Vt facerem volui, Tua lex mihi corde sub imo

Feruet & immensis vndosa incendia flammis  
Excitat, vt medijs perrumpet nubila cæli.  
Iusticiam Deus ipse tuam & magnalia dixi,  
Ecclesia in magna, nec eam mea labra tacebunt,  
Vt tu secreti rimator cordis apertus  
Nosti, iusticiamq; tuam nec corde repositam  
Abscondi, verumq; tuum super omnia dixi,  
Atq; salutare ipse tuum confessus vbiq;  
Et non abscondi, quæ sit miseratio tanta  
Illa tua omnipotens humanæ deniq; sortis,  
Concilio a multo, mihi in his strepero atq; rebelli,  
Tu vero Deus omnipotens, ne tempore longo  
A me discedas, miseratio neue moretur.  
Et tua me cunctis miseratio sancta diebus  
Suscipiat, verumq; tuum custodiat omni  
Tempore & æternam mihi præsent deinde salutem.  
Nam me perplexum circumdidit atra malorum  
Vndiq; tempestas, quorum non cernitur vllus  
Finitis vel numerus; me comprehendere perennis  
Crimina delicti, scelerosæ ac horrida vitæ  
Flagitia, & potui mea nec delicta videre,  
Nec potui vt rectum, vel cæli clara viderem  
Lumina, & æternæ quæ nam sint præmia vitæ,  
Multiplicata super capitis sunt namq; capillos;  
Atq; ideo cordis me virtus tota reliquit,  
Complaceat Deus ergo tibi me fordibus istis  
Eripias delictorum, properaq; iuandi,  
Seruandiq; mei causa festinus adesto,  
Et confundantur, simul ignominia aperta  
Afficiantur ij, qui animam submergere quærunt

Perditione meam; tollant quo prorsus eandem:  
 Quicq; volunt mala tetra mihi de corde, retrorsum  
 Mox auertantur: tristis confusio vultum  
 Confestim feriat; reuerentia sancta ruborem  
 Incutiat; trepidi vereantur Numen Olympi,  
 Hi quicunq; mihi peruerse, Euge Euge loquuntur.  
 Exultent omnes sed, latenturq; super te,  
 Quicunq; ex toto semper te pectore quarunt,  
 Et dicant semper, dominus nunc magnificetur,  
 Quos amor immensus tenet ac dilectio Nati  
 Atq; salutaris tui, & ingens ætheris ardor.  
 A sit ego mendicus sum vilis, pauper, inopsq;  
 Sollicitus tamen vsq; mei est Deus ille benignus.  
 A diutor es deus ipse meus, tutorq; perennis,  
 Tu deus auxilium mihi ne tardaueris ipsum.

### QUI REGIS ISRAEL.

Psalm. 79.

**Q**ui regis omnipotens vota Israelitica plebis,  
 Et deducis ouem, iusti velut ipse Iosephi:  
 Quicq; super Cherubim resides, manifestior esto  
 Coram Ephraim, Benjaminum, atq; Manassen:  
 Exere virtutem, pater æterne, omnipotentem,  
 Et de cœlesti, vt nos salues, sede venito:  
 Et conuerte deus nos ac offendere vultum  
 Sancte velis, & perpetuo saluabimur omnes;  
 Quo vsque super miseris, deus alme, fidelia seruis  
 Vota irascaris, faciesq; vt casta faceffant:  
 Sed scio, nos tandem lachrymarum pane cibabis;

Atq; in mensura potum dabis optime fletum,  
 Per te vicinis fera contradictio nostris  
 Facti namq; sumus: subsannauere inimici,  
 Virtutum conuerte deus nos, atq; benignum  
 Vultum ostende tuum pius, & saluabimur omnes,  
 Vinea ab Ægypto translata, & gente repulsa,  
 Vitibus insertis, iterum frondente nouello  
 Palmite plantasti, generoso vt germine fructum  
 Ferrer; duxq; viae illius pius ipse fuisti  
 Nocte, dieq; simul, nubisq; ignisque columna,  
 Radices eius, crescente propagine patrum  
 Atq; pro phetarum plantasti: maxima cuius  
 Impleuit totum fere multiplicatio mundum:  
 Eius & excelsos texere vmbracula montes,  
 Ipsiusq; arbusta, Dei frondentia cedros  
 Extenso medium pertingit palmite pontum  
 Et fluium Euphratem, surgente propagine tundit,  
 Vt quid maceriam & qua stat circumdata, sepem  
 Tu destruxisti: cur eam vindemiat omnis?  
 Cur vastant quicunq; viam prætergrediuntur?  
 Hanc aper immundus, syluis egressus ab altis,  
 Dentibus obliquis penitus vastauit adactis,  
 Præcipuusq; ferus plane est depastus eandem.  
 Virtutum deus o, conuere, respice ab alto,  
 Atq; vide, & vinea tua hæc deserta reuise.  
 Perfice eam, tua quam plantauit dextera, tandem  
 Illa super Natum, tibi quem ratione salutis  
 Humanæ confirmasti, propriumq; dicasti.  
 Ignibus incensi morbi ac suffossa peribunt,  
 Increpat efferuens tuus hæc vbi vultus in iras.



Fiat quæso tuæ manus atque potentia dextræ  
 Natum hominis Deus alme super, quem ferre salutem  
 Crimine pro nostro, suscepta carne, volebas,  
 Confirmando tibi, quo nos feruemur: & a te  
 Non discedamus: nam tu nos viuificabis,  
 Et nomen nos sancte tuum implorabimus vsque.  
 Virtutum conuerte deus nos, atque serenum  
 Vultum ostende tuum pius & saluabimur omnes.

## DE OFFICIO PRINCIPIS,

**R**egis ad exemplar totus componitur orbis,  
 Publicus est oculus Princeps, speculūq; refulgens  
 Orbis, ab excelso defigens lumina monte,  
 Ex quo se instituunt, vitamque ab imagine formant  
 Subiecti populi, moresq; imitando sequuntur,  
 Sol oculus mundi, tenebras dispellit inertes  
 Purus & illustris: sic Princeps pectora lustret  
 Illustris vitiosa hominum candore sereno  
 Virtutum, puraque exemplo & imagine vitæ,  
 Tanquam oculus domini, vel sol clarissimus orbis,  
 Conspicua qui luce sua tenebrosa pererret  
 Et fulgore suo ac virtute illuminet omnes,  
 Non recipit maculas sol in se lucidus vllas:  
 Non oculus quicquam, radios, aciemque videndi  
 Admittit, vitio quod vel virtute nocendi  
 Lædat & offendat: sic nil admittere Princeps  
 In se debet vitij, quod culpet honestus  
 Et prudens, & quod regalem obfuscet honorem,

Si

Si pius & iustus fuerit, quoque subditus ipse  
 Falsis erit: sic si prauus, peruersus iniquus,  
 Non poterit, quin ille via gradiatur eadem,  
 Et vitiosa sui Regis vestigia presset.  
 Nam magis exemplo Princeps, quam crimine culpæ.  
 Peccat & offensa est cœli sub Numine maior  
 Omne animi vitium tanto conspectius in se  
 Crimen habet, quanto maior, qui peccat, habetur.  
 Protulit in Satyra Iuuenalis vt ille Poeta,  
 Atq; ideo peccat grauiori crimine Princeps  
 Atq; Magistratus, si hæc non considerat, omnis,  
 Et nullum mandata tenent, seu iussa vigorem  
 Regis, transgressor lata: si primitus extet  
 Ipse suæ legis temerarius atq; proteruus,  
 Tumq; ingrata deo pietas erit omnis, & ipsa  
 Religio, probitas, & quamuis inclyta virtus,  
 Ductaq; diuinæ conformis vita palestræ,  
 Hæc in secreto si cuncta exerceat, vt non  
 Spectari a populo valeant, fructumq; referre,  
 Princeps namq; bonus qui publica templa frequentat,  
 Excitat exemplo populum pietatis inertem,  
 Non puduit veteres cum Clero psallere Reges  
 Templis in medijs, cuncto spectante popello:  
 Ergo Deum hic flexis genibus reuerenter adoret,  
 Et circumfusa colat hunc spectante caterua  
 Plebis, vt exemplo fiat feruentior ipso,  
 Atq; deum semper tali pro rege precetur,  
 Nam reddam domino mea dicit vota propheta,  
 Coram omni populo, vt videantur ab omnibus ipsa,  
 In terra, in terra, prostrato poplite nudo,

Ci.

Corde humili atq; pio, ardenti, manibusq; plicatis,  
Diuinum cœli Numen reuerenter adora,  
O mortalis homo, puluisq; ac terra caduca:  
Cumq; tremore tuam pauitans operare salutem  
Et Rex, & Princeps, & Cæsar maxime mundi,  
Nam si Rex humilis Numen reuerenter adoret,  
Coram omni populo et supplex sua vota resignet,  
Omnis ad exemplum mox plebs imitando sequetur:  
Tunc pietas populi, tunc flagrantissimus æstus,  
Regis amore sui semper feruebit vbiq;  
Votaq; ad astriferi tunc feruentissima cœli,  
Certatim mittent cuncti, & violenter olympi,  
Vndiq; laxatas perrumpent agmine portas.  
Tum sit vita boni semper casta atq; pudica  
Principis ac turpi sit nulla labe notata,  
Ergo suis mandet sibi vera atq; optima dici,  
Rex bonus & prudens & qui cœleste veretur  
Numen, & æthereas qui totus anhelat ad arces:  
Ac vitium retegí, si quo fortasse laboret,  
Absq; metu audacter, nulla formidine pœnæ  
Deterrente ipsos, ne pure vera loquantur,  
Sic quoq; qui Regi bene vis, atq; intimus extas,  
Intrepide erroris, vitijq; & criminis omnis  
Admoneas ipsum, tu Consiliarie semper,  
Si vis officio bene fungi & rectus haberi  
Ante Deum ac homines & iusti nomine dignus,  
Regis ad officium prudentis spectat & illud  
Elogium Pauli: Curam quicumq; suorum  
Non habet exactam, ille fidem, Christumq; negauit  
Est quoque deterior, quam quiuís Ethnicus ille,

Atq; in calle Dei qui castus & immaculatus  
Ambulat, vt sancto declarat dogmate vates,  
Hic mihi seruus erit fidus, quem semper amabo,  
Hicq; ministrabit mihi semper in omnibus ipse,  
Omnis & a magni ludus quoque Principis aula  
Abstít pro nummis, sub pœna vt lusor ab aula  
Exulet eiectus, certos proscrip-tus ad annos,  
Natalem Domini sanctum, festosq; sequentes  
Aula dies cunctos, anni reliquosque profanat,  
Ludendo totas rabioso pectore noctes,  
Nō quæcunq; potes Princeps qui magnus habetis,  
Illa velis temere, aut facies, sed iusta memento,  
Commoda, sancta, pia, & quæ censebuntur honesta,  
Vtilia: hæc facere atq; sequi pro viribus, omni  
Tempore, & vt puram ducas moderamine vitam,  
Illa velis, quæ grata Deo, cunctisq; propinqua,  
Atque salutifera, & quæ publica commoda spectant,  
Iustitiæque ministrandæ quæ munia sancta,  
Hæc Regis vires, hæc mentem atq; intima versent,  
Viscera perpetuo, nunquam hæc de corde recedant:  
Cogitet hæc totis Rex noctibus atque diebus.  
His honor & virtus, laus, gloria, fama paratur:  
His Rex cœlestes cum plebe ascendet in arces.

## ¶ DE OFFICIO vniuscuiusq;

○ Officium quicumq; suum moderamine iusto  
Præstat, & ex sancta simplicitate regit:  
Nec tenet implicitum versuta fraude, nec arte  
C.ij.

Vafra animum, lucro nec studet ille suo.  
Sed veluti spectante Deo, sua munia præstat,  
Et graditur sanctum simplicitatis iter:  
Nec facit vt de se prauè detur ansa loquendi,  
Aut strepat officij iusta querela sui:  
Nec quæstum spectat, priuataue commoda lucris:  
Sed quod iustitiæ suggerit ipse tenor:  
Neue similtates, aut odia cæca fouebit:  
Nec sub blandenti corde venena teget:  
Sed facit officium, rectum dictante tenorem  
Natura semper, iustitiæq; suum:  
Ille vir est vere prudentis nomine dignus,  
Dignus & æterni filius esse Dei,

### ☉ DE VITIIS AVLÆ.

**A** Vlce si turpem ducis per crimina vitam,  
Ne tibi promittas regna beata poli.  
Mœchus, & immūdus, scortator, & omnis avarus  
Non valet æterni regna videre Dei.  
Ambitio, crapula, ebrietas, sordensq; libido,  
Tetraq; spurcitiæ, mollitiæq; pudens,  
Fastus & impietas, iactantia, foeda voluptas,  
Atq; similtates, inuidiæq; truces,  
Perpetuumq; gulæ studium, ventrisq; fouendi  
Delicijs varijs, illecebrisq; vagis,  
Odia, contemptus, simulatio perfida veræ,  
Vafraq; amicitia, fraus mala, liuor edax,  
Ocia, somnus iners, epulæ, pompæ, alea, laruæ,  
Neglectusq; Dei, curaq; nulla boni,

Lasciuusq; iocus, petulans detractio famæ,  
Inuidia & blando pectore multa latens,  
Magnifica & speciosa loqui, promittere multa,  
Et præstare nihil, pacta, fidemve nihil.  
Hæc sunt quæ magnis semper versantur in aulis  
Crimina, & his vitijs aulica vita scatet,  
Ergo si ad æternam festinas aulicæ vitam,  
Tempera ab his vitijs, saluus vt esse queas,

## DE NOVA VRBE PHILIPPO.

poli, a Philippo Hispan. & Angliæ Rege: sub  
clariss. viro: Dn. Lazaro Schuendio:  
ibidem militum Tribuno: Consis-  
liario Regio, & Equite Auz-  
rato extructa.  
AN, 1556.

**C**Lara Philippopolis, magno de Rege Philippo  
Nomine deducto, structa est, vbi vastus & horrens  
Eremus fuerat: loca vbi deserta ferarum:  
Atque vbi nullus erat lapis ante, nec vlla ruina  
Maceriæ, antiqui fuerant nec rudera muri,  
Sed nemus & dumis, sentes, sterilesque genistiæ,  
Atque myricæ humiles, vepres, tubulq;, salicta,  
Plurima vbi liquidas surgebat quercus in auras.  
Regius omnigena clarus virtute Tribunus  
Schuendius instituit cui sua iura nouello  
Atque politiam induxit, sanctoq; Senatu,  
Legibus & sanctis ornauit, Consule primo  
Facto a se & sanxit, quibus vrbs exulta vigeret,  
Atque Magistratus sancti moderaminis ortus  
Acciperet primos, populo crescente nouello  
Ordine ciuili, quibus & Respublica tractim  
Surgeret in iustam, moderanti Consule, formam,  
Templa Dei posuit: xenodochia & ordine pulchro  
Infirmis struxit, vario languore grauatis,  
Cunctaq; bis leno hæc ferme sunt mense peracta,  
Condita & extructa a Germano milite Regis:  
Vrbs, populus, leges, Ciuilia iura, Potestas,

Templa, domus, turrets, agger, munitio, vallum,  
Et fossæ, & muri, facies totius & vrbs.

## DE SANCTA SIMPLICITATE te vitæ, ex sacra scriptura.

**T**E custodiui, simplex quod corde fuisti.  
Corda pbas, De<sup>9</sup>, ipsa, et amas scio simplicitatē  
Viuentum in terra, rectus, simplexq; manebit,  
Simpliciterq; Deus gradientes, protegit ipse  
It qui simpliciter, fidenter & ambulat ille,  
Semper simplicitas iustorum, dirigit ipsos.  
Atq; in simplicibus, Domini extat sancta voluntas,  
Pauperis est melior vadit qui in simplicitate,  
In praua quam quisq; via, sine Numine diues,  
Iustus is est vere graditur qui in simplicitate,  
Quærite eum in cordis vos semper simplicitate,  
Vir fuit is simplex atque omni tempore rectus.  
De senam Dominus simplum nō proijcit vnquam,  
Iusti simplicitas prauis ridetur vbique.  
Quin potiusq; omnes in simplicitate necemur,  
Corpus erit clarum, si oculus sit lumine simplex,  
Prudens vt serpens sis, simplex vtq; columba,  
In quocunq; malo volo vos existere simplis,  
Vt natiq; sitis Domini simpli, absq; querela,  
Vtq; puer simplex, nisi sit quis, monstrat Iesus,  
Non valet aeterni nancisci gaudia regni.

Gen. 20.  
1. par. 29.  
Pro. 2.  
pro. 2.  
pro. 10.  
pro. 11.  
pro. 11.  
pro. 19.  
pro. 20.  
sap. 1.  
Iob. 1.  
Iob. 8.  
Iob. 12.  
1. Mac. 23  
Matth. 6  
Mat. 19.  
Rom. 16.  
philip. 2.

FINIS.